


大寶積經

第一百二十四

八十四
字四

47522




元祿九年丙子二月日重脩

皇圖鞏固 帝潛綴昌

佛日增輝 懋輪常轉

山城州天安寺法金剛院置



大寶積經卷第一百二十四

字

北涼沙門道龔譯

寶梁聚會第四十四之二

蘭若比丘品第五



尔時摩訶迦葉白佛言世尊若有比丘自言
阿蘭若比丘世尊齊幾所名阿蘭若比丘齊
幾所名乞食比丘齊幾所名畜糞掃衣比丘
齊幾所名樹下比丘齊幾所名家間比丘齊
幾所名露處比丘佛告迦葉阿蘭若比丘必
樂阿蘭若處住阿蘭若處迦葉若阿蘭若處
所謂無大聲無眾鬧聲離麀鹿虎狼及諸飛
鳥遠諸賊盜及牧牛羊者順沙門行處如是

阿蘭若處應於中修行彼比丘若欲至阿蘭
若處應當思惟八法何等八一者我當捨身
二者應當捨命三者當捨利養四者離於一
切所愛樂處五者於山間死當如鹿死六者
阿蘭若處當受阿蘭若行七者當以法自活
八者非以煩惱自活迦葉是名八法阿蘭若
比丘所應思惟已當至阿蘭若處迦葉
阿蘭若比丘至阿蘭若處已行阿蘭若法以
八行行慈於一切衆生生慈心何等八一者
以慈利益二者以慈樂三者無恚慈四者正
慈五者無異慈六者順慈七者觀一切法慈
八者淨如虛空慈迦葉以如是八行於諸衆

生生慈心迦葉阿蘭若比丘至阿蘭若處已
應如是思惟我雖至遠處獨無伴侶若我行
善若行不善無人教呵復作是念此有諸天
龍鬼神諸佛世尊知我專心彼為我證我今
在此行阿蘭若法我不善心不得自在若我
至此極遠之處獨無伴侶無親近者無我所

有我今當覺欲覺恚覺惱覺餘不善法亦應
當覺我今不應不異於樂眾者亦不應不異
近聚落人若如是不異我即為誑諸天龍鬼
神已諸佛見我我亦不歡悅我今若如阿蘭
若法則諸天龍鬼神不見呵責諸佛見我即
亦歡悅迦葉阿蘭若比丘任阿蘭若處行阿

蘭若法一心堅持解脫禁戒善護戒衆淨身
口意無諂諂行淨於正命心向諸定如所聞
法應憶念之勤正思惟趣向離欲寂滅涅槃
畏於生死觀五陰如怨家觀四大如毒蛇觀
六入如空聚善知方便觀十二因緣離斷常
見觀無衆生無我無人無命解法空相行於
無相漸損所作而行無作心常驚畏於三界
行常勤修行如救頭然常行精進終不退轉
觀身實相應生如是心觀如是法當知苦本
斷一切集證於滅盡勤修於道行於慈心安
住四念處離不善法入善法門安住四正勤
入四如意足護五善根於五力中而得自在

覺七菩提分勤行八聖善道分受持禪定以
慧分別諸法之相迦葉說如是法以嚴飾阿
蘭若比丘作是嚴飾已住於山林初夜後夜
勤修諸行不應睡眠常念欲得出世之法迦
葉阿蘭若比丘凡所住處常修行道不自嚴
身及諸衣服拾乾枯草以用敷坐自用坐具
離常住僧及招提僧物於阿蘭若處衣服知
足趣得覆身為行聖道故迦葉阿蘭若比丘
若為乞食至城邑聚落應作是念我從阿蘭
若處至是城邑聚落若得食若不得食心無
憂喜若不得食者應生喜心念宿業報我今
當勤修習福業又念如來乞食亦不得彼阿

蘭若比丘入於城邑聚落乞食應以法莊嚴
法莊嚴已然後乞食云何法莊嚴若見適意
色不應染著見不適意色亦不生瞋若聞適
意聲不適意聲若嗅適意香不適意香適意
味不適意味適意觸不適意觸適意法不適
意法心無染著亦不生瞋攝護根門諦視一
字寶積百十四
尋調伏其心本所思法不令離心不以食汙
心而行乞食應次第乞食若得食處不應生
著不得食處不應生瞋若至十家若過十家
不得食者不應生憂應作是心此諸長者及
婆羅門多有諸緣不與我食又此長者諸婆
羅門乃至未曾生心念我況與我食迦葉阿

蘭若比丘若能如是於乞食中不生驚畏迦
葉阿蘭若比丘乞食時若見衆生若男若女
若童男童女乃慈當生應於是中生慈悲心
我行如是精進作如是願若衆生見我及與
我食者皆生天上迦葉阿蘭若比丘若得魚
食若得細食受是食已應觀四方此村邑中
誰貧窮者當減此食以施與之若見貧人所
可乞食即分半與若不見貧者應生是心我
眼所不見衆生我所得食於中好者願施與
之我爲施主彼爲受者迦葉阿蘭若比丘乞
食得受食已持至阿蘭若處淨洗手足淨沙
門儀式具一切淨法如法取草已結跏趺坐

坐已而食心無愛著亦無貢高無有瞋心無
濁亂心臨欲食時如是思惟今此身中有八
万户虫虫得此食皆悉安樂我今以食攝此
諸虫我得阿耨多羅三藐三菩提時以法攝
取迦葉又時阿蘭若比丘食或不足應作是
念我今身輕能修忍辱斷除諸惡少大小便
得身輕已亦得心輕又得少睡亦不起欲想
應作如是思惟迦葉阿蘭若比丘若乞食得
多應生知足想應於食中減取一搏置淨石
上如是思惟有諸鳥獸能噉食者我以施之
彼為受者迦葉阿蘭若比丘食已洗鉢漱口
洗手淨滌應器手拭令乾舉僧伽梨衣阿蘭

若處行不離本所思惟法相迦葉阿蘭若比丘行阿蘭若行時若是凡夫未得沙門果或時虎狼來至其所若見不應生畏作如是念我本來至阿蘭若處時已捨身命我不應驚畏應修慈心離一切惡亦離怖畏若諸虎狼斷我命根噉我身肉當生是念我得大利以不堅身當得堅身此諸虎狼我不與食今噉我肉已身得安樂迦葉阿蘭若比丘行阿蘭若法應如是捨身命迦葉阿蘭若比丘行阿蘭若法若有非人或作好色或作惡色來至其所於此非人不生愛心不生瞋心迦葉或有曾見佛諸天來至阿蘭若所作諸問難問

難已阿蘭若比丘隨力所能隨所學法為諸
天說或時諸天有深問難阿蘭若比丘若不
能答不應生於憍慢之心應作是言我不多
聞汝莫輕我我今當勤修學佛法或時我得
通佛法已能一切答又應勸請諸天汝等今
當為我說法我當聽受又應如是報謝言願
勿嫌也復次迦葉阿蘭若比丘行阿蘭若法
善修阿蘭若想猶如草木瓦石無主無我亦
無所屬此身亦尔無我無命無人無衆生無
諍訟此法皆從緣合而生於此法中若善思惟
我當得斷一切諸見常應思惟空無相無作
法迦葉阿蘭若比丘行阿蘭若法時若菓藥

草及諸樹林云何和合云何散滅如此外物
無主無我無有所亦無諍訟自生自滅無
生滅者迦葉如草木瓦石無我無主亦無所
屬此身亦尔無我無命無人無衆生無諍訟
從衆緣生緣離則滅此如實中無有一法若
生若滅迦葉如是法阿蘭若比丘至阿蘭若
處所應修行迦葉阿蘭若比丘行如是法若
學聲聞乘疾得沙門果若有障法現世不得
沙門果者不過見一佛二佛三佛必定得斷
一切諸漏若學菩薩乘現世得無生法忍得
無障法必見未來諸佛疾成阿耨多羅三藐三
菩提說此阿蘭若品時有五百比丘斷一切

漏心得解脫

乞食比丘品第六

佛告迦葉云何比丘乞食迦葉若有比丘先
安住本誓我依乞食出家我今住先誓彼比
丘專念有無諛諂離一切請食離一切僧中
供養堅自莊嚴乞食比丘於一切味中不應
生好味想又於上妙食中自勸其心生如是
想我如旃陀羅應淨身心不應淨飲食何以
故食好食已一切為糞臭穢不淨故我不應
求好食如是調伏心已若入城邑聚落次第
乞食不應生如是想男子與我食非女人女
人與我食非男子童男與我食非女童女

與我食非童男應得細食非廉食應得美食
非不美食應故與食非不故與應易得食非
不易應速得食非不速若入人村應得恭敬
非不恭敬應得新食非宿食應得富家食非
貧家食男子女人衆應來迎我迦葉乞食比
丘如是不善法不應思惟迦葉乞食比丘應
如是自莊嚴此是乞食常所行法若乞食時
得與不得無有憂喜不應生於廉細食想何
以故多有衆生貪著美味由著味故作諸惡
業惡業因緣故墮於地獄畜生餓鬼若知足
者不貪美味應捨細食受取廉食除舌著味
其心知足得極廉食亦當知足彼若命終生

於天上或生人中生天上已食天美食迦葉
如是乞食比丘離於味愛以調伏心若七日
噉豆亦不生憂何以故趣活身故我今食已
足以脩道以是故食迦葉乞食比丘得此食
分墮鉢中者如法所得如法利養應與梵行
比丘共食此食迦葉乞食比丘或時有病無
有使人不能乞食此應如是調伏其心我獨
無侶一身出家法是我伴我應念法今我病
苦如世尊說諸比丘應念於法我所聞法應
善思惟云何善思惟如實觀身如實觀身已
有智慧者若獨一心能得初禪則有是處得
初禪樂若一日若二日乃至七日以禪為食

其心歡悅迦葉乞食比丘行如是法若不得
禪應如是勤行安住善法中有多人所知諸
天龍神送食與之此是離柅報故迦葉或乞
食比丘值天大雨或大風塵不能乞食亦時
以慈爲食而自莊嚴於所行法安住思惟若
二夜三夜不得食者應生是念有多衆生墮
餓鬼中作惡業故苦惱所切乃至百歲不得
一唾我今安住諸法門中應生是念身心羸
劣今我堪忍飢渴勤修聖道不應退轉迦葉
乞食比丘不應親近在家之人男子女人童
男童女迦葉若乞食比丘今在家人擇去食
中諸不淨物於坐處坐應爲說法乃至食淨

還受食已從坐起去迦葉乞食比丘不應自
現諛諂去何自現諛諂若爲他人說如是言
我今乞得廉惡之食又復不足與多衆共食
我食少我今飢渴身力羸劣迦葉是名自現
諛諂迦葉乞食比丘如是之事應當遠離迦
葉乞食比丘於一切事應生捨心若食墮鉢
中若廉若細若少若多若淨若不淨一切應
受心無憂喜常應淨心觀諸法相趣得活身
爲行聖道是故受食迦葉乞食比丘或時入
於城邑聚落次第乞食若不得食空鉢而出
應念如來有大威德捨轉輪王位而行出家
斷一切惡法成一切善法入村乞食尚空鉢

出況我薄福不種善根不空鉢還也是故不
應生憂何以故不種善根能得廉食細食無
有是處我不得食或自有魔或魔所使或魔
覆蔽諸婆羅門居士令我乞食不得我當勤
修離於四魔斷一切煩惱若我勤修如是道
已非魔波旬非魔所使能作留難迦葉乞食
比丘應如是受持聖種

糞掃衣比丘品第七

佛告迦葉畜糞掃衣比丘拾糞掃物作如是
想為慙愧故非以衣自嚴飾故為障風吹日
曝蚊虻蠅子諸惡觸故安住佛教故非求淨
好故於糞掃中拾取棄物取時應生二種想

何等二一者知足想二者易養想復生二想
一者無慢想二者持聖種想復生二想一者
不以嚴身二者令心淨故迦葉畜糞掃衣比
丘於糞掃中拾取棄物時若於是處見諸親
族知識見已即止不取而作是念此諸人輩
或訶責我言汝是不淨人迦葉我說是比丘
不得淨行何以故畜糞掃衣比丘心堅如石
外物不入亦不能動故迦葉畜糞掃衣比丘
拾糞掃中物應淨浣濯令無垢膩浣已好染
深已作僧伽梨善合善綴善縫善受受已應
著莫令綻壞迦葉畜糞掃衣比丘安住不淨
觀中著糞掃衣為離欲故慈心著糞掃衣為

離瞋恚故觀十二因緣著糞掃衣為離癡故
正思惟著糞掃衣為斷一切煩惱故攝護諸
根著糞掃衣為知六入故不諭諂著糞掃衣
為令諸天龍神喜悅故迦葉何故名糞掃衣
迦葉譬如死屍人所不貪不生我所心法應
除棄迦葉如是糞掃衣非我非我所是易得
非邪命不求他不觀他顏色捨棄之物糞掃
無異亦無所屬是故名糞掃衣迦葉糞掃衣
是法幢以大仙人故是姓以聖人故是安住
以聖種故是專念以善法儀式故是善護以
戒眾故是向門以定眾故是安住以慧眾故
是身以解脫眾故是順法以解脫知見眾故

迦葉如是畜糞掃衣得大福德無所希求無
所貪著能離慢心能捨重擔迦葉若有比丘
畜糞掃衣以知足故諸天龍鬼神貪樂欲見
迦葉畜糞掃衣比丘若入禪定釋梵四天王
長跪合掌頭面作禮況餘小天迦葉若有惡
比丘勤求衣服以嚴飾身外現淨行而內具
足貪欲恚癡雖作如是好嚴飾身而諸天龍
神不至其所禮敬供養何以故知此比丘勤
求衣服以嚴飾身不除心心數法垢諸天知
故則遠捨去迦葉汝見周那沙弥捨不淨鼻
穢糞掃中物乞食食已至阿耨大池欲浣濯之
尔時池邊有常住諸天皆遠奉迎頭面作禮

彼諸天等皆樂淨潔而取周那沙弥所捉不
淨糞掃衣而爲浣之今無垢穢又取浣汁自
以洗身諸天知周那能持淨戒入諸禪定有
大威德是故奉迎恭敬作禮迦葉汝見須跋
陀梵志著淨潔衣乞食已欲至阿耨大池時
常住諸天於池四面各五里遙遮梵志不
令近池恐以不淨食及以殘食汙此大池迦
葉汝今現見此事以聖人正行威德故得是
果周那沙弥所有不淨糞掃中物而諸天取
之爲浣亦以浣汁自洗其身須跋陀梵志去
池五里不令近之迦葉誰聞是已於聖法中
不勤修學彼諸聖人諸天世人皆來頭面禮

敬供養迦葉欲求如是聖德故畜糞掃衣迦
葉畜糞掃衣比丘安任聖種不應生憂於糞
掃衣應生塔想應生世尊想應生出世想應
生無我無我所想如是觀已著糞掃衣應如
是調伏其心由心淨故得身淨非身淨故得
心淨迦葉是故當淨其心莫嚴飾身何以故
由心淨故於佛法中得名梵行迦葉如是畜
糞掃衣比丘能如是學則為學我亦學於汝
迦葉若汝能畜如是麤衣則便知足行於聖
種迦葉汝僧伽梨若著牀上若在坐處若憂
多羅僧經行則有千万諸天禮汝僧伽梨此
僧伽梨是戒定慧所薰者覆身之衣迦葉當

知汝衣尚得如是尊重禮敬況汝身耶迦葉
我捨轉輪王位出家學道先所著好上妙繒
衣頭羅衣好細疊衣諸上妙衣一切著已我
今知足行於聖種爲餘人故身捨妙服畜家
間衣若當來比丘聞我此法即得學我迦葉
汝本有金鏤上衣我從汝索汝持與我迦葉
我愍汝故即爲汝受非以貪故非以嚴身故
迦葉有惡比丘不能學我亦不學汝爲貪所
覆多畜衣鉢積聚飲食藏舉不捨亦畜金銀
琉璃穀米牛羊鷄猪驢馬車乘犁具家業所
須皆求畜之迦葉有智之人雖在於家能增
善法非癡人出家得是善分云何智人在家

能增長善法迦葉若有出家以袈裟遶項無
沙門行多有緣事種種繫縛求好衣食著袈
裟已在家人見禮敬給施衣服飲食卧具湯
藥來去迎送迦葉在家之人得如是善法彼
出家人無有是事何以故彼出家人多求所
須不能施他故迦葉當來有比丘多畜衣鉢
多有諸物時彼比丘多為諸在家人所見禮
敬尊重讚嘆何以故謂是比丘多受他施或
持與我我有所須能時時與迦葉或有比丘
持戒見世過患勤修善法離一切漏如救頭
然其心知足少諸緣事勤修自利離於一切
習惡緣者而彼比丘無人往至其所無親近

者無礼敬尊重讚歎者何以故彼在家人輕躁淺薄見現世利不見後世利彼在家人生如是心此比丘邊不得利益用親近為用礼敬尊重讚歎為除貧窮人少善根者宿緣應敬者迦葉如是人等親近礼敬尊重讚歎持戒比丘以為善知識迦葉如是說已稱可二種人意何等二一者若見四聖諦二者若見生死過患復有二一者勤行欲離四扼二者欲得沙門果復有二一者專念業報二者欲知諸法相義迦葉我今閉塞一切懈怠者門所謂不知業不知業報者離善儀式者不見後世過惡喻如金剛見現世利不見後世利

不生一念向解脫門者迦葉我今說彼惡比
丘不應希望若說如是法若遇如是法聞如
是法已自知所行不解深法而誹謗之謂非
佛說是論師作或魔所說用教餘人彼惡比
丘如自害亦復害他自染垢汙亦垢汙他
是惡比丘不能自利亦不利他今時摩訶迦
葉白佛言世尊如諸佛大悲故說專行比丘
於諸法中得自在者如來於此經中已廣說
竟世尊若有衆生聞此經已信解讀誦向如
實法當知是諸衆生已爲諸佛之所攝取今
時佛告阿難若有受持是經者已於先佛種
諸善根故今欲得此經讀誦通利欲得解脫

所謂善男子善女人若出家學若在家學此法
門能斷諸漏亦得涅槃阿難白佛言世尊我
欲受持此經當何名此經云何受持佛告阿
難此經名選擇一切法寶亦名安住聖種儀
式亦名攝取持戒者亦名節解破戒者亦名
寶梁亦名寶取亦名寶藏亦名諸寶法門摩
訶迦葉門大乘寶梁經竟諸比丘眾聞佛所
說歡喜奉行

大寶積經卷第一百十四

字

麀

音章牧

音目漱

音瘦

滌

覆蔽

上音必祭

曝

音蒲菲

蚊

上音莫庚

音文下

蟻

浣

音伴綴

絳

音色綻

宅

音則到

繒

音自陵


反

反

反

反

蚊 宅 反
 蚤 諫 蹀 反
 莫 庚 反
 到 反
 繒 自 陵 反
 澆 反
 絜 反
 絜 反



猪飼順良寄附

